

Títelé foí ke Piyee uu n wói

Lelee rítelé ntí kémee ní we

Yeesu Kirisi utumε kapi ye n sée re Piyee yee rítelé ntí wói. Kirisi pikó pee pee mekee Asii awélé anupū anyine kémee n yekaalē ke Piyee uu rítelé ntí wólu. Piyee ye ró símisi re Silasi kuu né ritiki uú né rítelé ntí wólu (5:12). U ri wói re piké ne ti rikóónú. Papilōni-i kuu ri wói, lelee re Rōm-pō. Kirisi pikó fale pee Asii ketē kecáá ní we kuu ri wōipō (2:2). Kapi Kirisi pikó nnya kapi kei we yare písáne. Pi ye né isímé pi kparailē, pin kō piwéékuse né pi lémaalē. Lē nnya ke Pōoli uu pi ημόόπύσελē te piké ikari né kényu mahā pin Yeesu Kirisi inípee tapaalē. Pi ne uyē pee nkpéni kesé íwe ise le.

Ifaaci iyē mekériine ye mmé:

1. Piyee ye ipakare né iwele wale uú né pepepe uritelé ntí ní kēē léise lē ke Uléécāa uu piayu n lō uu kō né Yeesu Kirisi nkpō né umeyise tiki uú né tíyese apí n tálē (1:3-12).
2. U pi ημόόπύσελε nle re ápi kape lōpile, piké isoi yee n kpáiiilē Kirisi kupénecō kéméé n le (1:13-2:10).
3. Piké né Kirisi m paállē, api pee piisoí kapi yé pipeikēe kémee n le né nyíse re pi unsímé né aseí tikilenle. Uu kō icélaa pi pasii yee yé pipiyupipikei kapi yé n wai kémee pi n yóriye. Uu kō pisihúú kémee metone né piicápine kéméé né pi ne pepepe ápi Uléécāa n nyu metone kémee icélaa pi pasii (2:11-4:19).

4. Títelē ntí uwòle ye nté Kirisi pikó icélaa palenle re piké ye píweluké kémee ikari m má pin ne lē ke Uléécaā uu pi n yekeilē tálē (5).

Iyáhaa

¹ Née Piyee. Ne Yeesu Kirisi utumε le. Née nó ke Uléécaā uu n wée re ani pansε upikó rítelē ntí wólu. Nò písáne le nòn Pònti ne Kalasii ne Kapatòsi ne Asii ne Pitinii sitē kecáá yekaalē. ² Sáa Uléécaā ye nó wée yare kuu mekeε-me mí ma. U Nfáasane ne ritikile uú ne nó wéle uu iyaa yekei re ani Yeesu Kirisi m pakarelē ani kò umenye wole ani funi.

Uléécaā uké ípeelée ne nkíninje meyá nó he.

Tòké meyktyiki n tálē te Uléécaā lisone ye wemele

³ Tò Urópiima Yeesu Kirisi usaa Uléécaā pakare. U íwe meyá tó ténle uu Yeesu Kirisi meyise pikpòkpò kémee ne tiki uú ne nfáa fale ró he. Lē nnya kari tálē te tò nfáa yē. ⁴ U kò nfáa fale ró hele re tòké lisone lē yē. Ai ye fòni, ái ye mékperinkpe wa, ái ye kò caai. ⁵ Nó kecáá ke Uléécaā uú ne unnanje mí paílē, un nó múílē te nò ne kefa u tene uké ne nórinyu lò nnya. Siyáa tərò kémee kuu lē waine liké nyíse.

⁶ Mπά kai neni nní m pise re liké ncón mpehē mpehē kémee nó m peikeε re nóanépò aké n caailē, ani ne mpòonare n còpisi. ⁷ Li lē wale re liké yé te íye ke nónnéfatenε nsone nn sá. Wura yèè caaile. Mπά ne lē, pi ye uyē ticuruu nna kémee wale piké unsone yē. Nónnéfatenε ye wura ríyu fele. Limεcò ke Uléécaā uu ye nónnéfatenε musí uké nnsone yē. Lελεε yé tíyεσε aní ha keyáa kē ke Yeesu Kirisi uu umεcire ní lesene uké nó n nyíse, pisoι iyáhaa ne ipakare ne ríyu

yenu. ⁸ Nɔ u lalɛ ʼani kahane u n yɛ. Ne nkpɛni-me ʼani kahane u n yɛ, amá nɔ kɔ pɛɛ ne kefa u tenelenle, nɔn kɔ mpɔɔnare ne ɔɔpisi ʼai kumúnjé má, lin kɔ ríyu má. ⁹ Kɛ Ulééca u u nɔanényu n lɔ nnya kani lɛ ne mpɔɔnare ɔɔpisi. Kani Yeesu ne kefa n tene kulaa ye kpɛ kani n yɛ.

¹⁰ Antepuyɛ ye pɛɛ mɛkɛɛ wéesile piké píyulalɛ pɛ kumúnjé yɛ. Pi pɛɛ mɛkɛɛ-me lihɛhɛɛ lɛ kani n yósunɛ nsímé símisile. ¹¹ Kirisi Nfaasɔne ye pɛɛ pikemɛé wele nn hái mɛkɛɛ-me pi símisi íwe iyɛ ke Kirisi uu meluke m má ne ríyu tɛ kuu n sɔnti uké ní yɛ. Lɛ nnya kapi wéesi api perei ríɔne piké yɛ tɛ kumúnjé kúye-i ne íye kai sɔnti liké lɛ wa. ¹² Ai pi nyíse api yenu re ʼai piricuruu ke nsímé mmɛ kapi n símisi nn ne máne, amá nɔ́ kní ne máne. Mmɛ ke pɛpɛɛ Nsímé Kɛcire nó n yóólɛ api kɔ neni nní nó símisi. Nfaasɔne mɛɛ keyómɛca n léeri nnaɔɛ kapi ne nó símisi. Piléécaatumɛ ricuruu ye lalɛ piké nsímé mmɛ ceri.

Mefine mɛɛ ne Ulééca n sá

¹³ Lɛ nnya, ani lɛ kani yé n wa kecáá nókenémúnjé n wailɛ. Ani mpá yo n wai ne kemúnjé, ani meýikíyiki n tálɛ tɛ Ulééca yé ne kefa nó fénnɛ uu Yeesu Kirisi mɛkamɛ kɛmɛɛ ihɛɛ nó pa. ¹⁴ Nɔ siwá le sɛɛ ye m pakare. Lɛ nnya, ʼani kape nómenéla n tikilɛ yarɛ kaní pɛɛ ní we ʼani méka nyu. ¹⁵ Ani Ulééca mɛɔ n we nɔn likóɔɛ kaasɛ. Uyɛɛ nó sée. Ani nómenéwee nnéi kɛmɛɛ n kpáiiilɛ yarɛ ke Ulééca yɛɛ nó ní sée uu n kpáiiilɛ mɛɔ. ¹⁶ Li wɔlaalɛ tɛ: Ani n kpáiiilɛ yarɛ ke née n kpáiiilɛ mɛɔ.

17 Nɔ ye nɔn Uléecaa n yáasi, nɔ ye u sée re Saa. Uu ye úka keyu ripaí uké kelenɛ umɛwai kecáa u túhaane. Lẽ nnya, li ne sá re nɔké lẽ nnéi kani nóinésói kémee n wai kémee u n wuru. 18 Nɔ kɔ meyíkíyiki nyule re ái linyine lee ye n caai yare nní nwóóweni nées wura kapi kpísi apí ne nóanényu lɔlu apí ne nópínékpure mɛwee mɛe áme kuláa kúka m má kapi nó rintéjse kémee nó lese. 19 Amá Kirisi menyɛ sɔne mɛe ríyu m má kapi ne ró lese. U we yare inyóɔnsesan yee íi ríka n caailẽ, íi kɔ ríka tejlẽ kapi ne ró nyóɔnse. 20 Uyẽ ke Uléecaa uu hái mekee-me wée uu kelenɛ mpá yo wai re uké písoi ayu lɔ. Uu kɔ nkpeni nń nnya siyáa tɔrɔ nsí-i u leseri re liké nó yóriye. 21 Uyẽ kani ritiki aní ne Uléecaa kefa tene. Uléecaa uyee pikpɔkpɔ kémee u yukuse uu ríyu u waise re nɔké ne Uléecaa kefa tene ani kɔ ne u n tálẽ nnya.

22 Nɔ nkpeni nsímései mɛe ye usoi riyu n lɔ pakarelɛnle ani peé ne fe ani meyíkíyiki n lakaane n̄sɔne. Lẽ nnya, ani ne nósinéfa nnéi n lakaane, ái kape kecáa kecáa. 23 Uléecaa Nsímé ye tíyesɛle ani nfáa fale yenu. Ani nfáa fale yẽ yare kapi ye kesoi pipi kee ye n kpu m mári. Uléecaa Nsímé n̄n we yare nlukɛpuri mɛe ye n caai. Nn ye caai. Mesére kn̄n we ne nnfaa.

24 Kesoi pipi ye we yare meyúí.

Keriyu kake ye n yé yare meyúí mɛfele.

Meyúí yee kóósile mɛfele amɛ súrii.

25 Amá mesére ke Upíima Nsímé Kɛcire pɔɔ ye n we.

Nsímé mmẽ kapi nní Nsímé Kɛcire kémee nó riyóó.

2

¹ Lẽ nnya, ani rikpákárá nnéi mpuri ne nnóome ne kecáá kecáá mewai ne kufatoi ne iwóhó riyá. ² Ani Uléécaa nsímé n la yare ke siwá fenfēi asi ye nní mepɛ sɔne ní la, liké t́iyese nɔké nsɔne papisi, liké kɔ nɔánéyu lɔ nnya. ³ Nɔ Upiima isoi sɔne pilélé masile.

Kirisi pikó ye Uléécaa mpuri pikó le

⁴ Ani ne u rikɔ, uyee ripare kecire tee ye nfáa n he ke písoi api n kési, Uléécaa pɔɔ ri wée re tetee uinipee-i rinéikɔ. ⁵ Nɔ́ ticuruu, nɔ́kɛ kɔ n we yare apare nyee nfáa m má. Nyē ke Uléécaa uu kpísi, uu t́iyese Unfaasɔne nní ne ukeyɔ u mɔm. Kei kaní yé piléékɔ icápine n wai, piléékɔ pɛe pinfaa n kpísi pin ne inyóɔnse kuu ní la u wai, uyē un kɔ Yeesu Kirisi nnya i pakarente. Uléécaa Nfaasɔne kémee ke liinyóɔnse iyē ii léeri. ⁶ Li Uléécaa Nsímé ritelé kémee wɔlaalē te:

Ne ripare ke Uléécaa uu n wée tin nnéi má kpísile ké Siyɔɔ-pɔ karii riké pansɛ kenui ripare.

Uye un ne ri n tálē, úu isei meluke má. ⁷ Tipare tee nó mpí nɔ́ nní ne kefa n tenelē kémee kuláa píima mále. Amá ri pepɛe ápi Uléécaa ne kefa n tenelē kéméé wele yare lē kapi nní Uléécaa Nsímé ritelé-i n wói re:

Tipare ke pimóme api n fómpɔ tee nkpréni pansɛ tikɛcire tee kenui-i ní we. Li kɔ wɔlaalē te:

Tipare rinyine ye ri ke písoi api ye rinkpɔu,

kuparecaɔaa kunyine ye ku kpɛe ye písoi n lóise.

⁸ Ke písoi pē api Uléécaa nsímé pipakare ní ye nnya kapi ti rikpɔu. Lē kai kɔ hái mekɛe-me we re liké pi wa.

⁹ Amá nŏ ne mpuri mmē ke Uléecaa uu n wée le. Nŏ piléekó icápine le ppe uyŏopi inyŏonse n wa. Nŏ Uléecaa pikó le. U nŏaneyu lŏle uu metéi kémee nó yekei re ani umewai píima písoi riyó. ¹⁰ Ani ppe mekee Uléecaa mpuri pikó, amá nŏ nkpréni umpuri pikó le. Uléecaa úu ppe mekee íwe nó tē, amá u nkpréni íwe nó ténle.

Isoi kai m pise re Uléecaa ukéikó uké li

¹¹ Pinésáne lala kecire, nŏ ketē nté písáne le ppe pincee n tŏsu. Ne la ké nó riŏmŏpúse re ani nŏmenécire tí, ani kape likáipi-káipi lee ne nó n tŏpu n tikilē. ¹² Nŏinésói kani n le nŏn ne ppepe ápi Uléecaa n wuru kémee we iké n nyamí. Lin lē n wa, kei kapi yé ppe nó í wŏhŏsi re nŏ mewai kŏpe wai, api kei nŏmenéwai sŏne yenu api Uléecaa ríyu waise keyáa kē kuu n sónti.

¹³ Ani Upíima nnya sisoipipi iyŏopi nnéi yee ketē kecáa ní we m pakarelē. Ufoí yee uyŏopi yee ketē nnéi kecáa rínanŏe n te. ¹⁴ Ani kŏ ppepe umetene ní we m pakarelē. Pē kuu túmēi re piké ye piwaikŏpekŏ kutu ripasa, piké kŏ ppepe lisŏne n wai ríyu waise. ¹⁵ Lē ke Uléecaa uu ní la lee re ani lisŏne n wai, piníri ppe ne nó n kēŏne piké ne rinsée nnya. ¹⁶ Ani n we yare písoi ppe ápi úka kecáa n tú, amá ani kape ppe re káni nní úka kecáa ní tú nnya, nó rikpákárá mewai m má nŏn mekecáa yáriilē. Ani n we yare Uléecaa pikeikó. ¹⁷ Ani ye nípa úye m pakarelē. Ani nŏpinémáreco n la, ani Uléecaa n wuru, ani kŏ uyŏopi ríyu n waiselē.

Kirisi iwe kari yé m pallē tŏn ne irŏkŏ le

¹⁸ Nŏ pikeikó, li pise re nŏké nŏmenécire ricepise ani nŏpinékeisaa n wuru. Ai pē isoi yee ní nyamí pin

kefa láárú ŋmanε, amá ne pẽ mekó mee m páápú kani yé m pakarelẽ. ¹⁹ Li nyamle re mípá pin usoi íwe n lukεise kái peé ne n sá re uké n le, li ríyu mále re uké Uléécaa kuú ne aseí n tíkilẽ nnya n kahari. ²⁰ Asei kecáá, tíyu ríye kai má re usoi uké uncaai nnya íwe n yenaalẽ. Amá in te usoi ye lisone wai un kɔ peé ne íwe kahari, li Uléécaa inipee-i lisone le. ²¹ Lẽ ke Uléécaa uú ne nó n sée re ani ye wa ye lẽ. Kirisi pḡ ne kɔ nókenécáá íwe lile uú ne nó nyíse re ani uncee n tikilẽ. ²² Uyẽ úu akópe áka wailẽ, nnóome ríka rín ketume unnɔɔ-i léeme. ²³ Pi u lámaankeele, amá úu úka alé ceí, api íwe u lukεise, amá úu úka sisikee, amá umecire kuu kpísi uu Uléécaa yee aseí ne n túhaane anipe-i wai. ²⁴ Arókópe kuu kpísi uu ukεcáá wai apí ne kunapéékɔ́ kecáá u karií re akópe aké kerócáá le, tóké pee lelee ní nyamí Uléécaa inipee-i n wai nnya. Uakpẽ nyee tíyese ke tóo ne peí. ²⁵ Nɔ pee mekke-me nyéreile yare sipoipipi see m pɔ. Amá nɔ nkpeni useesé ne uyee nókenécáá mí paílẽ kémee pelele.

3

Pinósi ne pipila kecáá nsmé

¹ Limεɔ kái we ne nó pinósi kémee, ani nómenécire ricepise, mípá nó úye uké uula m pakarelẽ. Lelee yé tíyese pẽ pila pee apí nókenécɔpe Uléécaa nsmé ne kefa n tenelẽ api nóínεsoi sone yenu. Mpá nansá nsmé mmẽ n símisi, pi yé peé ne Uléécaa kefa tene ² re pi nóínεsoi sone kani n le nyáni nnya. ³ Ani kape ne ipiŋe kecáá melape lekaa-lekaa kutu n cɔlẽ, yare nní pinyúpipahaa ne wura ikólé ne ilũ sone pitánti. ⁴ Amá lelee Uléécaa

kémee ríyu m má lee nní melape lekaa-lekaa mee usoi kefa-i m pékaalē. Ame ye caai, áme ye kō fōni. Lelēe nōnnéfanaare ne nōínēsoi niñe-niñe kani n le. ⁵ Limēcō ke pee mēkee pinósi pee Uléécaā ne kefa n tenelē pin pipila pakarelē pin kō ne Uléécaā tálē api ye pee lapisi. ⁶ Piuēe yee nní Sara yee pee ula Apiraham m pakarelē hái uu ye ne u séi re uusaa. Nōn lisōne n wai, nōnsá líka n wuru, nō pansēle ukēpire pikó.

⁷ Limēcō nṓ pitisi, ani ne nōpinénósi n we nōn rísōne pi naresi re ápi páápú nnya. Nfáa mmē ke Uléécaā uu nó n he faalaa, nó ne pē kuu kesē n he. Lē nnya, ani ríyu pi n waiselē. Lin lē n we, líka ái yé pee nōpinéyómeyáhaa kémee nó púnēise.

Li pise re Kirisi pikó piké n lakaane

⁸ Ntórōō kam nó n símisine ye mmú re ani kemúnjé keese m má nōn kefa pēnelē. Umárecō nla nké nókenéméé n we, ani ye kō ucō íwe téni ani kō nómenécíre n cepiselē. ⁹ Ani kapē ye mewai kópe n ceikeene, áni kapē ye kō alē n ceikeene, amá ani ye rinóō sōne usoi ritikise. Lē nnya kuu nó sée re ani ye lē wa, rinóō sōne riké kō ne nṓ n tikilē yare kuu mí ma. ¹⁰ Li Uléécaā Nsímé ritelé kémee wólaalē te: Usoi un meyíkíyiki n la uké isoi sōne li liké kō siyáa nnéi u n láárú,

li pise re uké urilempi ne nsímé kópe tí.

Uu kō unnōō ne nnóōmesimé kááse.

¹¹ Uké umecire ne mewai kópe tō. Uu lisōne n wai.

Uké nkíñniñe piwélāa ne kényu m mahanlē.

¹² Upíima ye pepēe aseí n tíkilē inípeē tapaalenle.

Un kō pipiyómeyáhaa kutu cōlē.

Amá u ye pepēe mewai kópe n wai kepire ritōle.

¹³ In te lisone piwai kaní ne keyu mahanlẽ, wóo yé pεε íwe nó n wai? ¹⁴ Ticuruu in te lisone kani wai nnya kani íwe le, liké nó n láarú. Ani kape pisei n wuru, líka ái kape ye kə nfasimé nó tā. ¹⁵ Amá ani nósinéfa-i n nyu re Kirisi yeε Upiima, ani kə ríyu u n waise. Ani ye nómenécíre n cápinelẽ non ne mé te pin nó m pise re yo nnya kani nní meýá ne u tálẽ ¹⁶ noké rinóó nsone yosí ne ipakare. Ani kefa n kpáiiĩ, pεpεe ne nó n náási re piké nórinyu kpu pin nó lámisi re nə Kirisi tikilẽ nnya, piké isei li. ¹⁷ In Uléécaá mela, li kutəsi we noké lisone n wai non ne íwe le ne kani yé nómenéwai kópe kecáá nnya íwe n le. ¹⁸ Asei kecáá, nkpə cireníne kóló ke Kirisi uu pisei akópe kecáá kpu. Uricuruu úu akópe áka má, amá uu pikópekəó kecáá kpi re uké ne Uléécaá kémee pi ha nnya. Pi u kpule uu kpi yare ke kesoipipi ake ye n kpu meə, amá Uléécaá Nfaasone nn u yukuse, ¹⁹ háí uú ne pεpεe nkpə kuhore-i n kpaniĩ Nléécaasimé yóó. ²⁰ Pẽ ápi pεε Uléécaá pakare kumúnjé kpe-i kuú pée ne pi n kahari úu la uké ukuwəi yukuse. Pée uye-i ke Nowee uú pεε ukutakai kari. Pisei nkáripí, pipaha ηmane pεε kukemee lompə, aku míni kecáá n tsilẽ Uléécaá uú ne piayu ləlu. ²¹ Limeni mē ye míni kani ye neni nní ní wóle ai nóányu ləlu kumíri le. Api míni nó wóle re liké nóinépinjé kecáá mékperinkpe hεere. Pi míni nó wóle re liké nyíse re nə ne Uléécaá ténile re uké ne Yeesu Kirisi meýise pikpəkpə kémee ritiki uké ne nókenémúnjé sənukuse. ²² Uyεε keyómεcaá ritaá uú ha Uléécaá kuluke-luke-i keyukəótone-i tone. Uanipe-i ke Uléécaá uu pilécaatumε ne lē nnéi lee kei ríyu ne rnanjε m má wa un likecáá tū.

4

Lẽ kapi ye Kirisi kẹmẹe isoi fale n li

¹ Kirisi ye uipinje kẹmẹe ntóosi konle. Lẽ nnya, ani ukemúnjé kẹ kecɔ m múlĩ nòn ne mế te nàké íwe li. Nkó yee uipinje kẹmẹe ntóosi n kɔ yèè fele uu akópe piwai yá. ² Lẽ nnya, kaí ne neni n kpísi, ái pise re nàké Uléécaá mela n tikilẽ nòn kɔ ne itunje tɔrɔɔ nnyí kai nní ketě kecáá nó n tise nínésoi le. Ani kapere lẽ ke nínépinje ii n káipinkẹe n tikilẽ. ³ Asei kecáá, nɔ pree mekeee pɛpɛe ápi Uléécaá n wuru mela meyá wale, nòn mékperinkɛwai ne pikáipinkẹe ne pítaniré ne iluke picainkẹe ne pítaniré ikenene wai nòn piléé nyóonse. ⁴ Li nkɛpéni lipite pẽ nnóo yile re áni ye kɔ mewai kópe mế piwai rikpá pimɛɔ. Lẽ nnya kapi nó lámisi. ⁵ Pi yé kam api pimɛwai Uléécaá kéeńkẹe. Uyee umecire cápínelenle uké ne pinyánnyá ne pikpɔkpɔ nnéi túhaane. ⁶ Lẽ nnya ke Kirisi uu Nsímé Kẹcire riyóó uú ne pikpɔkpɔ ricuruu péne. Pi pimɛwai kecáá ne pi túhaanele yare m̀pá kesoipipi kẹye mɛɔ. Amá Nfáasone nnya, pi yé nkɛpéni fe api Uléécaá kẹmẹe nfáa m má.

Lẽ kapi ye Uléécaá lihẹhẹe rimmúlú

⁷ M̀pá yo ketɔ ye nnyáã wale. Lẽ nnya, ani mesòhɔ m má nòn m̀pá yo wai ne kemúnjé, nàké ne piyómeyáhaa n fe nnya. ⁸ Lẽ nnya, lẽ kani yé n wa lee re ani mesére rísone n lakaane. Nla yèè akópe meyá tinnelẹ. ⁹ Ani kusáne n wapaane. Ani kapere ye kefa-i n ñmɔpu nòn ne pisáne yósu. ¹⁰ Uléécaá ye m̀pá nó úye linyine hele ne limpehě. Lẽ nnya, m̀pá úye uké ulihẹhẹe kpísi uú ne picɔ n léni. Nòn lẽ n wai, nɔ pree lẽ pisoí le pree Uléécaá lihẹhẹe rísone m múlĩ.

11 Lin úye n he re uké ye nsímé riyóó, liute uké ye ne Uléécaá nnáó símisi. Lin úye n he re uké ye picá lé, liute uké rínanhe mmě ke Uléécaá uu u n he ne picá n léni Uléécaá uké ne mpa yo kémee Yeesu Kirisi rinyiri nnya ríyu yě. Yeesu Kirisi uyee mpa píyei-pó meýóopi ne rínanhe te! Amí.

Kirisi iwe icó piluke

12 Pinésáne lala kecire, nókenéwuú áke kape to ne lē kai nní ne mpape nó m peikee yare nna mee nókenécáá kóonu. Ái kape nó n we yare lisáha linyine ye ni. 13 Amá liké meýá nó n láarú re Kirisi iwe icó kani le nnya. Limeco kai sónti liké nó n láarú, kumúhé kpe-i kuú ha umeyóopi rí lesene uké pisoi nyíse. 14 Pisoi pin Kirisi nnya nó n lámisi, liké nó n láarú re Uléécaá Nfaasone, Nfaayukóó ye nókenéméé wele. 15 Nó úka úu kape íwe n le re u usoi kpu née u linyine yáai née u mewai kópe menyine wa née u picá nsímé nnyine kémee táhankée nnya. 16 Amá in te unyine ye íwe le re u Kirisi ukó nnya, ái kape isei u n we. Amá uké meníhe rinyiri tē nnya Uléécaá ríyu waise. 17 Ituhe ye tule re Uléécaá uké ne pisoi túhaane. Upikó kuú ne koraanene. In te tó kai ne koraanene, íye kai yé ha pee kété-pó pepee ápi rí la piké Uléécaá Nsímé Kecire kutu rińco wa? 18 Li Uléécaá Nsímé ritelé kémee wólaalē te:

In te aseí ute ríyu pilale ye papisi,

íye kai yé ha pee kété-pó pepee ápi Uléécaá m pakarelē ne pikópekóó wa? 19 Lē nnya, pepee Uléécaá mela kémee íwe n le piké ne lisone piwai n nāhlē, api Uléécaá, aseí ute yee pi n wa anipe-i pimecire wai.

5

Lã ke Uléecaa icápine piwéese api yé Kirisi pikó kecáá rimpaí

¹ Lã nnya, Uléecaa icápine piwéese kam nkpeni ne símisi. Né ne kɔ pimɛɔ Uléecaa icápine uwéese le. Ne Kirisi iwe kuu n li ne inénípee yenle. Ne kɔ meýɔpi mee nfáani n léerine kémee ketónne mále. ² Lã nnya, ne la ké nó riɲmóópúse re ani piseesé meɔ písoi ke Uléecaa uu nó rimmúise kecáá n̄sɔne m paílě. Ai kape tɪlasi, amá liké ne nórínépóɔ yare ke Uléecaa uu n̄ la. Ai kape kɔ re piluke tɔɲé-tɔɲé pinyine kani kémee wéési, amá ani pikécáá m paílě ne kefa kesɛ. ³ Ai re nɔké p̄e ke Uléecaa uu nóanénípe-i n wa ne k̄yuu m páápú, amá ani n̄sɔne n wai piké nó n nyáni pin nómenéɔ wai. ⁴ Nɔn l̄e n wa, uwéese ye písoi kecáá m̄ paílě yare useesé un ha n ka, u yé riýɔpikɔɲ tee ári ye pikai n caai nó rikipise ani p̄e r̄iyu m má.

⁵ Limɛɔ, n̄ pikp̄ere ne piɲmánɛ, ani nómenécire ricepise ani piwéese metene n we. Nónnénéí, úka úu kape ye u ne picɔ kusencɔ kémee umɛcire n taáselě. Li Uléecaa Nsímé ritelé kémee wólalě te: Uléecaa yè p̄iyuwélaa ncée tápisile uu mpí p̄e ye pimɛcire rincépise ne kefa fénnɛ. ⁶ Lã nnya, ani nómenécire ricepise ani Uléecaa n̄naɲe nnéi ute metene n we uké ituɲe iȳe kuu n yekei kémee nó ritaáse. ⁷ Ani nónnécɔɲ nnéi ukécáá topilɛ. U nókenécáá paílɛnle.

⁸ Ani mpá yo n wai ne kemúɲé. Ani kape lɔpile! N̄ounélaarɔ Setani ye kɔɔniile yare kúkinaá k̄p̄e n senkee, un wéési uké unyine céériine. ⁹ Ani ncée u tápisi ani kɔ nfatene kémee n taalě. Ani n nyu re íwe kani nní n le icɔ ke nópinémáreɔ api ketě nnéi kecáá

le. ¹⁰ Uléεcaa ye riyále re nóké nkpéni íwe li ái kape nánai. Amá u Kirisi ne ritikile uú ne nó séi re ani mesére umeyoopi kémeé n we. U yé unfanare píima kémeε rínanε nó he nónnéfatenε nn papisi líka ái yé ppeε nó ritiηa-tiηa nóké loó. ¹¹ Uyεε mπά píyeyi rínanε ute! Amí!

Iyáhaa tərəə

¹² Silasi kam n nyu re u aseí tikilenle yeε né lé amí ne kételépi nké nó wólu ké ne nó riηmóópúse, ké kə ne nó nyíse re Uléεcaa ye meyíkíyiki íπεελέε nó nyíσεε. Nə íπεελέε kuu nó rí nyíσεε kémeε rísəne wele. ¹³ Kirisi pikó ke Uléεcaa uu nómenéεə n wéε pin Papiləoni nté we ne unéηmánε Mariki ye nó yáhaapo. ¹⁴ Ani ripirane ani yáhaane líké nyíσεε re nó lakaanele.

Nó mπί nnéi nóə Kirisi pikó, Uléεcaa uké nkíηniηε nó he!

Nkomine Fal Ritɛlé Sola New Testament

copyright © 2010 UEEB/SIM au Benin

Language: Sola (Miyobe)

Translation by: SIM International

Sola, Nkomine Fal Ritɛlé

This translation, published by the UEEB/SIM au Benin, was published in 2010.

If you are interested in obtaining a printed copy, please contact the SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-02

1bac8ff9-a7c9-52ef-bb5e-7155dd6ba1a1